

DEO OPTIMO MAXIMO UNI ET TRINO; VIRGINI DEIPARÆ
ET SANCTO LUCÆ. ORTHODOXORUM MEDICORUM PATRONO.

Q U Æ S T I O M E D I C A.
QUODLIBETARIIS DISPUTATIONIBUS MANE DISCUTIENDA
IN SCHOLIS MEDICORUM. DIE JOVIS IV. FEBRUARII MDCCXVII.

M. FRANCISCO PICOTE DE BELESTRE, Doctore Medico, Præfide.

An amor ingenium mutat?

AMORIS & mundi idem esse initium sacri narrant Historici, prisca canunt Poetæ, asserunt Philosophi, annunt Grammatici, humana probat ratio: utriusque non finis, non fors eadem. In dies juvenescit amor, senescit deficitque mundus; hoc senescente, fugit mortalibus optima quæque dies, tristior subit rerum facies, ruunt in pejus omnia: illo semperjuvenc ver floret æternum amantibus, quo nihil sit nisi lætum & amabile quidquam: hæc inter, quis nescit nec sentit quid sit amor, ^{de quo loquitur philosophus} Quem non trahit vel invirum vis illa blandior, tam altè omni animantium generi insita? Quem non urit mollis hæc flamma, imis incensa visceribus? Ut ut sit, amor aptè definitur potest animæ commotio, orta à sanguinis spirituumque motibus, quibus adeò illa concitatur, ut vehementer velit conjungi quibuscumque objectis quæ sibi grata & convenientia percipit ac intelligit.

ANIMÆ perceptiones cum sanguinis & spirituum agitatione conjunctæ, passiones vulgò dicuntur. Perceptiones non à corpore, non in corpore, sed in anima, cujus totidem commotiones dici possunt, imò & cogitationis species, ideòque spiritalis animæ actiones seu functiones, non tamen sine corporis commotione suscitatur, quandiu illa, hoc includitur. Commotio, perceptionis occasio, non causa. Qualiscumque fuerit sanguis, spirituumque motus qui mentis cogitationes sequitur, totus est in corpore; totus sit per corpus, non tamen sine mentis imperio; quod quale quale sit, habebiturus motus occasio non causa. Perceptionis animæ, motusque corporis, vera solaque causa reputetur. Lex illa ab omnipotente rerum Opifice tùm posita, cum animam unà cum corpore conjunxit, ut videlicet quasdam animi cogitationes certi corporis motus, & vice versâ, quosdam corporis motus certæ mentis perceptiones excipiant.

CONSOCIATA corpori anima sic ab ejus pender organis, ut his bene aut malè dispositis, bene aut malè operetur: Istud equidem æterno & immutabili fœdere sancivit qui, animam corpori miscendo, discrepantes dissociabilesque adeò naturâ substantias concordî pace ligavit. Quo sanioribus, validioribusque corporis partibus, mobiliore, puriores, uberioresque spiritus accesserint; eò vividiores vegetioresque futuræ sunt mentis perceptiones. Ista secundæ valetudinis bona ac præmia quis largitur melius quam amor, sine quo mortalium vita vitalis non videtur; hujus quippe præsentia ac nutu, spiritibus in nervorum tubulis validius impulsis, simulque ad cor rapidius delatis, novum supervenit fluidis solidisque robor, venæ micant crebrius, celerius fluit refluuntque sanguis, undique & ubique conterendus: Quid multa? expansis amplius cerebri meatibus, distinctius dilucidiusque menti occurrunt rerum species, rubet nitetque facies, ignescunt oculi, sic denique incallescunt omnia, ut crescat vigor in partibus illis quas pudor abscondit.

POST hæc dubitamus adhuc ex amore ingenium hominum immutari? hic amabo, quarant hebetes quod amare velint, reperire laborent quod ament stolidi; vel si paucò tempore duret amor, hi emendatis ingenii vitis sentient solertes sagacesque facti, quanta potentia nati est, Venus alma, tui? Amer truculentus homo, brevi hunc mollem & mansuetum dabit amor, non enim est ^{qui in vitiis vitæ} ament feroces, illic ferocia ponent corda, volente Deo. Cautus timidusque amare abundet Antipho, audacior fiet potiturus; Omphale tristis servierit Hercules, lætus Dejanires amoribus, cœlum meruit radiantibus illatus astris. Quid verbis & exemplis opus est? si quidem, ut ait Comicus, amanti omnia ingenia sunt. Amorem tollant ^{amorem} continuo concidit suavissimum virtutis & gloriæ incitamentum: pereunt vitæ illecebræ, perit dulcissima corporis mentisque voluptas. Nunquid homini malorum plurium autor est amor? ita sanè, sed si quem fortè læsit amor, profectò non amoris est culpa, sed amantis, qui amare nescivit, arte leves curus, arte regendus amor.

COMITEM corporis animam, ipsius bonorum, malorumve expertem importunè clamant ^{si de his rebus loquitur philosophus} animi motiones ex se nec bonæ nec malæ, si recta reguntur ratione, laudem merentur; si impotenti libidine, vituperium. Eas omnino amovere & rejicere, prorsus ignorare est earum usum & finem: illas ne dixeris perturbationes animorum, sed exercitationes, sine quibus animi miserè torpescerent & hebescerent. Ut labor corpus firmat, ignavia hebetat & frangit, sic passiones firmant animos, ^{amorem} minuit & debilitat. Inter primitivos animi affectus recensitus amor, veluti singulorum radix, omnes producere, fovere & nutrire videtur. Quis, fodes, animi affectus, qualicumque ille sit, non mutet faciliè varium semper & mutabile hominum ingenium? Quæ invidia est, id tibi nunc denegare potentissime amor? qui nihil non mortalia pectora cogis, qui Deorum & hominum domas, pectora & regis consilia. His atque aliis argumentis sit, ut Apollinis responsum non magis sit verum quam hæc conclusio.

Ergo amor ingenium mutat.

Domini Doctores disputaturi.

M. Andreas de Lalette

M. Joannes-Franciscus Giot,
M. Franciscus-Antonius le Dran

M. Antiquus le Moine

M. Petrus-Antonius Lepy,
M. Elias Col de Villars

M. Joannes-Baptista Chomet, Medicus Regis ordinarius
& Regis scientiarum Academia Socius.

M. Andreas Cressé,
M. Armandus-Josephus Celloz.

Proponebat Parisiis LUDOVICUS-CLAUDIUS BOURDELIN, Parisinus, Baccalaureus Medicus, A. R. S. H. 1717. à sextâ ad meridiem.

Typis JACOBI QUILLAU, Universitatis & Facultatis Medicinæ
Typographi.